

PUNTONAN DI ACCION

UNION PATRIOTICO PROGRESISTA

ELECCION 2013 | ARUBA
www.UPPAruba.com



*“Nos no por pretende pa cosnan cambia, si semper nos
mes ta actua na mesun manera” — Albert Einstein*



UNION PATRIOTICO PROGRESISTA PUNTONAN DI ACCION!

GOOD GOVERNANCE | FINANZAS PUBLICO

- ✓ Elimina “Cultura di Miedo”, creando asina ciudadanonan mas critico, unda cu politiconan tin di responsabilisa nan mes.
- ✓ Hinc den Constitucion e obligacion banda di screening di un minister riba su antecedentenan, tambe un screening pa evita eventual “conflicto di interes” pa e carteranan pa cua e ta bay ta responsabel.
- ✓ Pone ministernan personalmente responsabel ora nan haci nan mes culpabel na persecucion politico.
- ✓ Transparencia tanto pasivo como activo na beneficio di nos pueblo.
- ✓ Ley di transparencia y informacion accesibel.
- ✓ Cambio den ley di comptabilidad pa frena desviacion di destaho publico.
- ✓ Mara den Constitucion deficit di pais Aruba na 3%, y bin cu sancion ora di incumplimento.
- ✓ Mara quota di debe nacional na 40%-45% di Producto Bruto Nacional (GDP).
- ✓ Regula e aparato gubernamental door di maximalisa tanto e cantidad di departamento como e cantidad di empleadonan publico por medio di ley, incluso esnan na e oficianan di ministernan.
- ✓ Maneho pa recuperacion presupuestario y eliminacion di gastonan innecesario (“zero waste”).



- ✓ Independisacion di Servicio di Impuesto manera Banco Central ta, pa e.o. elimina metemento politico, faboritisimo y/o privilegiamento.
- ✓ Introduci “Ketenaansprakelijkheid” y control severo riba impuesto.
- ✓ Haci e sistema di impuesto mas simpel, mientras ta bay di impuesto directo pa indirecto, acompaña eventualmente cu un rebaho di impuesto riba ganashi y introduccion di un “vrije voet” pa e primanan social pa e trahado, pa compensa eventual perdida di poder di compra.
- ✓ Proteccion di e asina yama “Klokkenluiders” pa medio di un fundacion.
- ✓ Introduccion di ley di financiamiento di partidonan politico.
- ✓ Restitucion mester ser trata dentro di 6 luna di e aña correspondiente.

Bon Gobernacion!

UNION PATRIOTICO PROGRESISTA

PUNTONAN DI ACCION!

2

DEMOCRACIA BIBO

- ✓ Elimina deficit democratico den Reino basa riba Resolucion 1514 di Nacionnan Uni.
- ✓ Cambia ley di eleccion (Kiesverordening) respecto ken y con ta drenta Parlamento (a base di tanto porcentahe di voto, eliminando asina numeracion riba lista).
- ✓ Cambia sistema di “restzetel”, unda cu e votonan cu a sobra despues di a parti asientonan completo, tambe ta bin na remarca pa e restzetelnan aki.
- ✓ Mehoracion di funcionamiento di Parlamento, e.o. dor di regula e poder di Presidente di Parlamento.
- ✓ Adapta Reglement van Orde.
- ✓ Introduccion di Defensor di Pueblo (Ombudsman).
- ✓ Introduccion di Dialogo Nacional (incluyendo tur gremio, incluso partidonan cu of sin representacion den Parlamento) basa riba ley, unda cu prome cu tuma decisionnan importante ta obliga na haci estudio riba e temanan aki, pa yega na un decision bon balansa.
- ✓ Institui atraves di ley riba partidonan politico un organo bou di Consejo Electoral, cu ta vigila y sanciona partidonan cu no ta cumpli cu reglanan etico di campaña, tanto durante como despues di campaña.



ARUBIANISACION | DESAROYO HUMANO

- ✓ Stimula union y solidarismo bou di nos ciudadanonan, sea cua sea origen y cultura, pa medio di un integracion real, cu nos cultura, nos idioma Papiamentu, nos norma- y balornan como forza catalisador, pero cu respet pa otro culturanan.
- ✓ Desaroya y re-activa e aspecto di “voluntarismo”, pa di e manera ey yuda contribui na e idea di bon ciudadanía (“Good Citizenship”), dirigi riba yuda hende via di scolnan, centronan di barío, organisacionnan social, etc.
- ✓ Un maneho cultural basa riba promocion di nos cultura den tur sentido di palabra.
- ✓ Amplia e conocimiento di nos cultura, historia, custumber y idioma Papiamentu, pa asina yega na e ARUBIANISACION di nos comunidad y crea e “pais cu curazon”, esta nos PATRIA ARUBA.
- ✓ Di acuerdo cu e derecho di autodeterminacion, percura pa e pueblo tin e derecho pa desaroya su mes, riba tur tereno, esta economico, social, educativo, cultural y politico, conforme su propio criterianan, unda cu pa UPP e.o. e HENDE ta central y ta e fortaleza di nos nacion; un Aruba unda tin respet mutuo y unda nos ta biba harmonioso y solidario cu otro.



UNION PATRIOTICO PROGRESISTA PUNTONAN DI ACCION!

LABOR

- ✓ Pone un paro na tur permiso te ora cu via Centraal Bureau voor de Statistiek (CBS) tin un bista real di e situacion riba mercado laboral.
- ✓ Control severo riba ilegalidad den sector laboral.
- ✓ Re-introduccion di e modelo Suiso.
- ✓ Modernisa of actualisa nos leyman laboral conforme e exigencianan di ILO (International Labor Organization), pa loke ta concerni prevencion di accidente laboral, pa medio di inspeccion y controlnan mas severo.
- ✓ Obliga e dunado di trabao pa duna su empleadonan ekipo di proteccion, pa asina evita accidentenan. Den caso di incumplimento ta pone sancionnan.
- ✓ Trabao na unda seguridad y salud ta hunga un rol, tanto di trahadonan como tercera, companianan mester ta certifica pa e tipo di trabou cu nan tin di eherce, mientras e trahado tambe mester haya un upgrade pa por haci e trabou aki.
- ✓ Bin cu un ley ocupacional, unda ta wordo promovi pa traha na un forma preventivo, riba e area di salud, bienestar y seguridad.
- ✓ Control severo riba “afdrachten” di e primanan di AZV, AOV-AWW dor di doñonan di trabou y alabes controla si ta cumpli cu e pensioen general den sector priva.
- ✓ Duna incentivonan fiscal na doñonan di trabou cu ta duna empleadonan oportunidad pa upgrade nan mes, y cu ta tene personanan di edad avanza den servicio.
- ✓ Adaptacion di salarionan minimo conforme e diferente categorianan di funcion.
- ✓ Re-introduccion di exigencianan pa permiso, esta riba antecedente tanto riba estado di salud (cronico y contagioso) como hudicial.



- ✓ Promove aceptacion y participacion di trahadonan cu handicap fisico y/of mental den e proceso laboral.
- ✓ Permitti un trahado sera un seguro, por medio di SVB y di acuerdo cu e tratado internacional di International Labor Organisation, na bienestar di su mes y su famia, na momento cu pa un motibo of otro e perde trabou, pa e no tin nodi depende riba bijstand.

EDUCACION

- ✓ Educacion basa riba INCLUSION y no EXCLUSION.
- ✓ Rol di Papiamento lo wordo intensiva considerablemente.
- ✓ Curiculo ta wordo fiha riba meta- y necesidatnan cu ARUBA ta pone su dilanti. Mester rediseña nos enseñanza for di scol basico te na Universidad, y percura pa un bon contenido y acoplacion entre e diferente sistemanan.
- ✓ Mester rediseña klasnan, na unda tin acceso na internet, medionan digital y tecnologia moderno, manera tablets, digi-boards, etc.
- ✓ Stimula atraves di programanan special lesamento den tur idioma via schoolnan y otro organisacionnan, manera Fundacion Lanta Papiamento, Fundacion Papiamento, Fundacion Bon Nochi, Drumu Dushi, etc.
- ✓ Mester bin cu mas facilidadnan riba tereno di school pa haci e ambiente na school mas atractivo, manera biblioteca (digital), local pa computer, espacio educacional-cultural, cantina,



UNION PATRIOTICO PROGRESISTA PUNTONAN DI ACCION!

- ✓ auditorio, gym-zaal adecua y espacio pa maestronan traha optimal.
- ✓ Gruponan di necesidad (dyslectico, autista, etc.) lo haya atencion special.
- ✓ Lo revisa y trece cambio den e asina yama MEGA-schoolnan.
- ✓ Mester bin cu un Instituto di Calidad cu lo mester ta parti di Universidad.
- ✓ E sistema di financiamento di estudio lo wordo revisa, na unda cu e.o. lo haci e interes paga riba fianza 100% deducibel di belasting, y lo crea posibilidadnan of incentivonan fiscal pa spaarmento pa estudio.
- ✓ Lo stimula educacion extra-escolar y lo bin cu incentivonan fiscal pa doñonan di empresa cu ta duna e oportunidad ey na su empleadonan.

FAMIA | HUBENTUD | NOS GRANDINAN | DEPORTE

- ✓ Reconoce cu FAMIA ta e base pa creacion, progreso y consolidacion di nos patria y ta e forza catalisador pa trece solucionnan pa hopi problema den nos sociedad.
- ✓ Stimula pa famia na nivel micro atende cu e yiunan, na unda cu na cas mester tin e calor pa nos por papia di un hogar.
- ✓ Conscientisa pueblo cu mescos cu na nivel micro, esta esun di famia, na nivel macro, na lugá di papia di país, nos lo papia di nos PATRIA.



- ✓ Rol di Gobierno ta pa fomenta famianan sano, garantizando e condicionnan necesario pa por logra na crea e HOGAR y e PATRIA. Particularmente den nos hubentud, cu ta e pilar di e futuro di nos país, mester wordo inverti hopi.
- ✓ Bin cu programanan di capacitacion na EPI den e ramo di "Jongerenwerk", pa di e manera ey esnan cu nivel MBO lo por guia nos otro hobennan despues di ora di school na Centronan di Bario den un programa total y subsidia dor di gobierno.
- ✓ Duna incentivonan fiscal na doñonan di trabou cu ta duna nos grandinan e oportunidad di un "her-en/of bijscholing" pa nan por sigui contribui na e desaroyo di nos país.
- ✓ Introduccion di incentivonan fiscal pa doñonan di cas cu ta haci adaptacion na nan cas pa nan por keda biba den nan mes cas, enbes di bay biba na un cas di anciano, ora cu un persona no ta desea di bay un cas di anciano.
- ✓ Bin cu reglanan y controlnan pa casnan di anciano, pa di e manera ey por garantiza cu esnan cu ta duna e cuido, ta haci esaki na un manera responsabel.
- ✓ Gobierno mester construi mas facilidad pa nos grandinan pa asina ey nan por hiba un bida digno den e casnan aki.
- ✓ Elimina TUR clase di discriminacion cu ta existi pa motibo di edad di un ser humano.
- ✓ Como parti di un comunidad sano, atencion ta wordo duna na desaroyo deportivo di nos comunidad, pa asina ey contribui na consolidacion di nos patria.
- ✓ Deporte escolar ta haya atencion atrobe, mientras cu Centronan di Bario lo wordo stimula y apoya den tur sentido dor di gobierno, pa crea e espacio y facilidadnan pa haci deporte, bou guanan deportivo prepara y capacita na EPI nivel di MBO.
- ✓ Profesionalisa deporte, e deportista y mescos tambe e dirigenten.

UNION PATRIOTICO PROGRESISTA

PUNTONAN DI ACCION!

DESAROYO ECONOMICO

- ✓ Diversifica nos economia dor di busca industrianan high-tec, y otro tipo di industrianan cu ta capital intensivo.
- ✓ Stimula, pa medio di incentivonan, tur nos young professionals y entrepreneurs cu ta dispuesto pa bin cu iniciativanan nobo cu por hiba nos na crea un pilar economico nobo cu ta hopi necesario, mirando awor cu e refineria a sera su portanan.
- ✓ Stimula e-commerce door di drecha nos sistema di internet pa e ta mas rapido y mas accesibel.
- ✓ Promove industria local, restringiendo e competencia inhusto por medio di e asina yama "stromanschap".
- ✓ Duna respaldo concreto na negoshinan local, tanto chikito como mediano, unda cu AIB mester hunga un rol prominente den esaki.
- ✓ Haci miho uzo di di e areglo di LGO (Landen en Gebieden Overzee) di Union Europeo, cu e bienestar di pueblo Arubano como punto di salida.
- ✓ Stimula iniciativa priva cu ta contribui na un crecimiento economico, social y spiritual di nos pueblo, teniendo cuenta cu nos Mama Tera (e asina yama concepto People, Planet, Profit).
- ✓ Hiba controlnan severo riba prijsnan di productonan di prome necesidad y amplia e canasta basico.
- ✓ Na momento di cambianan di prijsnan di productonan di e canasta basico, esaki ta bay na vigor despues di a publica esaki den medianan di comunicacion y indicando tambe tanto e prijs bieu como esun nobo.
- ✓ Sigui sondea e posibilidad di gas y/of petroleo den subsuelanan di Aruba, y garantiza cu esaki ta patrimonio di pueblo, pa cual motibo ningun multi-nacional por bira doño di dje.



TURISMO

- ✓ Aumenta e cantidad di turistanan "transitorio" ("transient") cu ta bishita Aruba (cu na 2012 tabata 480.000 di e total di 820.000 turista), pa medio di campañanan menos costoso pero efectivo.
- ✓ Percura pa Aruba hisa su calidad ambiental, y haci Aruba berdaderamente "Green & Clean".
- ✓ Drecha of elimina edificionan bieu y bandona den area turistico y unda turistanan ta pasa.
- ✓ Exigi hotelnan pa percura pa suficiente lugar di para auto, pa evita e chaos cu tin actualmente den nos zona hotelero.
- ✓ Aumenta e coneccionnan aereo.
- ✓ Mehoracion di nos producto turistico dor di bin cu hotelnan tipo boutique/lifestyle chikito, y un "state of the art" hotel pa educacion profesional.
- ✓ Desaroya entre Bushiri y Playa un puerto estilo St.Tropez.
- ✓ Upgrade TUR hotel, cu tecnologia moderno di hotel.
- ✓ Haci San Nicolas un destinacion turistico exclusivo cu solamente hotelnan chikito 5 strea (manera Four Seasons, Mandarin Oriental of Jumeirah).
- ✓ Desaroya Plaza Daniel Leo den un plaza crioyo manera conoci na Sur di Spaña.
- ✓ Sigui organisa eventonan anual pa asina Aruba keda den "picture", mientras lo busca mas eventonan pa trece Aruba, riba tur tereno (Artistico, Cultural, Musical, Deportivo y Moda).
- ✓ Pa loke ta marketing, mester haci mas uzo di "world-wide marketing" y "social-media-promotion", y alabes di online booking cu "custom-made packages".



UNION PATRIOTICO PROGRESISTA

PUNTONAN DI ACCION!

6

- ✓ Una bes cu re-activa e one-stop-shop-facility na Imsan, esaki lo ofrece na e turista e uzo di e facilidad super moderno aki, tanto riba tereno cardio-vascular como oncologia, mientras alabes ta concretisa e facilidad di dialyse.

DESAROYO PARIBA DI BRUG – UN ATENCION SPECIAL

- ✓ Desaroya e waf den uno industrial/comercial.
- ✓ Sondea e posibilidad pa un dry-dock.
- ✓ Converti e tereno di refineria den un zona free-zone y uno industrial, dirigi riba industria limpi y high-tech.
- ✓ Percura pa turismo di calidad halto cu hotelnan chikito di 5 strea pa San Nicolas.
- ✓ Centro di gobernacion pariba di brug (Ciudad di Sede di Gobernacion y Parlamento).
- ✓ Re-animacion di San Nicolas dor di trece varios departamento San Nicolas, y alabes saca prostitucion, e asina yama “animeermeisjes”, for di cayanan di San Nicolas.

SALUBRIDAD PUBLICO

- ✓ Re-activa e programa di prevencion di gobernacion anterior pa loke ta trata e problema di sobrepeso, hunto cu loke ultimo 4 aña a ser haci.
- ✓ Re-activa e one-stop-shop-facility (IMSAN) riba tereno cardio-vascular, y incorpora e idea di un centro di oncologia den henter e facilidad aki, cu nos propio hendenan y, unda cu mester, busca ayudo temporal for di exterior.
- ✓ E maneho riba tereno di salubridad publico lo wordo traha, y na unda ta necesario, adapta por medio di investigacion y monitoreo atraves di cifranan di e estado di salud di nos pueblo.
- ✓ Reforza y integra cuidio basico na nivel di barrio.
- ✓ Duna cuidio di emergencia riba tur nivel. Mester haci nos isla un "heart save community".
- ✓ Vigila e proyecto di renobacion/expansion di dr. Horacio Oduber Hospital, cu pronto lo inicia, di acerca, pa evita cu tin "meerwerk" cu lo por conduci cu pueblo lo haya hopi bloki, pero poco cuidio y equipo.
- ✓ Introduccion di un ley riba autopsia cu ta regla cu por laga haci autopsia riba tur persona cu fayece, cu excepcion si famia no ta desea esaki. Esaki lo percure cu dokternan lo bay coopera miho cu otro na bienestar di e patient dor di "overleg" cu otro dokternan.



Aruba Ta Nos Tur!

UNION PATRIOTICO PROGRESISTA

PUNTONAN DI ACCION!

HUSTICIA Y SEGURIDAD

- ✓ Inverti den capacitacion, ekiponan y asistencia technico di deteccion, pa combati atraco y haci e "pakkans" mas grandi.
- ✓ Bin cu castigonan mas pisa y kita e derecho di "Voorwaardelijke invrijheidstelling" (V.I.) for di recidivistanan, atracadornan, violadornan, pedofielnan y/of secuestradornan. Pa esakinan e "verjaring" no ta conta.
- ✓ Introduccion di vigilancia por medio di camara na lugarnan di riesgo.
- ✓ Mehora e comunicacion den e cadena di husticia, pa asina ey aumenta e confianza den e cuerpo policial.
- ✓ Duna atencion special na hobennan cu a cai den man di husticia, cu programanan special di re-socialisacion y re-habilitacion.
- ✓ Duna atencion special na e gruponan di riesgo y introduci programanan di prevencion.



TRANSPORTE PUBLICO

- ✓ Re-alocacion di fondonan publico pa di e manera ey crea espacio pa tur hende cu ta inscribi den censo, entre cual e trahado local, nos studiantenan y nos grandinan, haya un posibilidad pa transporte publico gratis.
- ✓ Profesionalisa Arubus y crea extra ruta- y orarionan den bario.



- ✓ Construcccion di varios facilidad di parkeo, cu control di security y camara pa mas hende por haci uzo di bus pa bay nan trabou.
- ✓ Duna un servicio di 24/7 na trahadonan cu ta traha te den oranan di marduga, pa medio di y alabes contribui na un trafico mas sigur den e oranan ey door di haci posibel cu hendenan bou di influencia ta haci uzo di e servicio aki.

MEDIO AMBIENTE

- ✓ Introduccion di leyman penal ora haci daño na medio ambiente, esaki en bista di tanto salubridad publico como di nos producto turistico.
- ✓ Ley di zonificacion cu proteccion special y cu control pa cierto areanan, por ehempel Hudishibana, Boca Prins y alabes Spaans Lagoen.
- ✓ Hiba un maneho responsabel di energia alternativa, unda cu ta trata di proyectonan realistico, tanto financieramente como tecnicamente; esaki cu e meta pa reduci e emision di carbon den nos atmosfera y alabes haci nos menos dependiente di productonan fosil, pero unda mester garantisa e suministro di energia sin peligro pa nos red existente.
- ✓ Conscientisa pueblo riba e importancia di un bon medio ambiente, unda cu lo promove tambe uzo di producto- y aparatonan cu ta bon pa medio ambiente y cu ta contribui na baha gasto.
- ✓ Contribucion den reduccion di emision di carbon den atmosfera, pa medio di introduccion di transporte publico gratis, cu ta evita cu tin menos auto riba caya pa bay trabou.



UNION PATRIOTICO PROGRESISTA PUNTONAN DI ACCION!

8

STRUCTURA ESTATAL

- ✓ Defende y engrandece Aruba su autonomia, manera logra bou guia di sr. Betico Croes d.f.m. na e Conferencia di Mesa Rondo na 1983, como un logro importante y determinante den emancipacion politico y estatal di nos pueblo, di acuerdo cu nos derecho di autodeterminacion segun Nacionnan Uni.
- ✓ Consulta por medio di e instrumento di un Dialogo Nacional y cu pueblo directamente por medio di un referendum na momento cu mester trata e asuntonan estatal prome cu cualkier cambio.
- ✓ Mostra Hulanda cu, ora ta trata di nos structura estatal y tambe nos derecho di autodeterminacion, ta na e pueblo di Aruba pa encamina cualkier eventual proceso estatal, y esaki basa riba respet mutuo cu mester tin den Reino; ningun sorto di cambio cu e pueblo no ta desea, no por wordo imponi riba Aruba.
- ✓ Propone pa den cuadro di e 60 aña di existencia di e Statuut di Reino y cu ta uno cu a wordo traha den un epoca post-colonial, revisa e Statuut aki, y bini cu un Statuut nobo, basa riba pensamentonan moderno, pero na unda cu nos autonomia y nos derecho di autodeterminacion ta keda manteni.



RELACION DEN REINO Y CU EXTERIOR

- ✓ Fomenta un relacion den Reino basa riba respet mutuo y di madures, na unda e punto di salida ta cu Aruba no ta wordo sirbi cu haya regalonan (e pisca), pero Aruba ta haya e oportunidad pa siña pisca. Hulanda mester cumpli cu loke ela acorda cu e foro internacional, esta di lo percura pa emancipacion y desaroyo di Aruba, riba tur tereno, tanto politico, como economico, cultural, social y educacional.
- ✓ Percura pa Aruba haya mas representacion na embahadanan, pa nos mes atende nos asuntonan na bienestar di nos pueblo, cu lo crea desaroyonan economico nobo pa Aruba.
- ✓ Intensiva su cooperacionnan den regio.
- ✓ Fortifica y profundisa e relacion cu Merca, cu ta partner comercial mas grandi cu Aruba ta depende di dje.
- ✓ Aruba ta miembro asocia di Union Europeo (EU), ta p'esey haci miho uzo di e areglo di LGO, cu pronto lo conoce un contenido nobo, ya cu Aruba ta miembro asocia. Aruba mester haci uzo di loke e LGO aki ta ofrece, pa di e manera ey crea y amplia oportunidadnan economico nobo, e.o. pa exportacion.



Union Patriotico Progresista

www.UPPAruba.com
www.facebook.com/UPPAruba
upp.unista@gmail.com